



Republika e Kosovës  
Republika Kosova  
Republic of Kosovo



Komuna e Kaçanikut  
Opština Kaçanik  
Municipal Kaçanik

01Nr. 104/02-32169/22  
Kaçanik, 29.12.2022

Në mbështetje të nenit 11 dhe 12.2 (d) të Ligjit për Vetëqeverisje Lokale (Gazeta Zyrtare Nr. 28/04 Qershor 2008), të nenit 73 të Statutit të Komunës, të Propozim Vendimit të Kryetarit të Komunës të nxjerrë në bazë të Kërkesës së Qendra “Gjenocidi në Kosovë-Plagë e hapur” 01Nr. 104/02-32169/22 prej datës 06.12.2022, Kuvendi i Komunës Kaçanik në mbledhjen e mbajtur me 29 Dhjetor 2022 mori këtë:

**VENDIM  
PËR MIRATIMIN E SIMBOLIT PËRKUJTIMOR  
TË GJENOCIDIT NË KOSOVË**

1. Me këtë Vendim, MIRATOHET propozimi që “LULËKUQJA ME KATËR PETALE” të bëhet Simbol Unik Përkujtimor i Gjenocidit në Kosovë.
2. Simboli i përcaktuar nga pika 1. e këtij vendimi, paraqet katër format e akteve gjenocide që Republika e Serbisë i zbatoi në Republikën e Kosovës, si vrasjen, dhunën seksuale, spastrimin etnik, dhe shkatërrimin e objekteve që lidhen me përkatësinë etnike dhe identitetin shqiptar.
3. Pjesë përbërëse e këtij Vendimi është, Kërkesa e Qendra “Gjenocidi në Kosovë - Plagë e hapur” me simbolin e propozuar.
4. Ky vendim hynë në fuqi 15 ditë pas regjistrimit në Zyrën e protokollit të MAPL, respektivisht 7 ditë pas publikimit në faqen zyrtare të komunës.

Me këtë Vendim njoftohen: Kryetari i Komunës, Drejtoria e Administratës së Përgjithshme ( përmes tyre njoftohen mekanizmat tjerë relevantë); Arkivi.



Kryesuesi i Kuvendit  
Kemal Murseli



QENDRA  
**GJENOCIDI NË KOSOVË  
PLAGË E HAPUR**

GJENOCIDI NË KOSOVË – PLAGË E HAPUR  
1200 Genève  
E-Mail: [info@kosovogenocide.com](mailto:info@kosovogenocide.com)  
Online: [www.kosovogenocide.com](http://www.kosovogenocide.com)

KUVENDIT TË REPUBLIKËS SË KOSOVËS  
KRYEMINISTRIT TË REPUBLIKËS SË KOSOVËS  
PRESIDENTES SË REPUBLIKËS SË KOSOVËS  
PARTIVE POLITIKE TË KOSOVËS

## KËRKESË

# LULËKUQJA ME KATËR PETALE TË BËHET SIMBOL UNIK PËRKUJTIMOR I GJENOCIDIT NË KOSOVË

### ARSYETIM:


Në disa vende të botës, së paku prej një shekulli, lulëkuqet kanë shërbyer si simbol për të përkujtuar të rënët gjatë luftërave anekënd globit. Kështu, për shembull, në Britaninë e Madhe dhe në disa vende të Komonuelthit, *lulëkuqja*, me ngjyrën e saj të gjakut, është simbol i përkujtimit të luftëtarëve të rënë në fushëbeteja, veçanërisht të rënëve gjatë Luftës së Parë Botërore, dhe i solidarizimit me familjet e tyre. Edhe kanadezët e kanë përcaktuar këtë lule si simbol të premtimit, që do t'i përkujtojnë dhe që nuk do t'i harrojnë kurrë, ata të cilët u sakrifkuan për lirinë e vendit. Përkujtimi i të rënëve në Kanada bëhet çdo vit në orën 11:00, në ditën e 11-të të muajit të 11-të.



---

[www.kosovogenocide.com](http://www.kosovogenocide.com)


Që nga viti 1922, edhe Franca, më 11 nëntor të çdo viti përkujton viktimat e Luftës së Parë Botërore. Francezët kanë zgjedhur lulen e *kokoçelit të kaltër*, për arsye të ngjyrës së kaltër që kishin uniformat e ushtarëve të vrarë, si simbol nderimi ndaj të gjithë atyre që kishin dhënë jetën për lirinë e Francës.



Madje edhe në përkujtim të viktimave të Luftës së Dytë Botërore, që u përcaktua të bëhet çdo vit më datë 8 maj, *kokoçeli i kaltër* mbeti simboli kombëtar i Francës.

Pas konsultimeve të shumta, Qendra "Gjenocidi në Kosovë - plagë e hapur" mbështeti idenë e Adnan Asllanit, që *lulëkuqja* të jetë simbol i viktimave të gjenocidit në Kosovë. Në dallim nga lulëkuqet që përdoren si simbol në shumë vende të tjera, katër petalet e lulëkuqes në logon e dizajnuar prej tij paraqesin katër format e akteve gjenocidare, që Serbia zbatoi në Kosovë:

1. vrasjen,
2. dhunën seksuale,
3. spastrimin etnik dhe
4. shkatërrimin e objekteve që lidhen me përkatësinë etnike dhe identitetin shqiptar.



Përveç domethënies së veçantë që ka çdo petal i simbolit tonë dhe që e dallon nga forma e petaleve që kanë *lulëkuqet-simbol* të vendeve të tjera, në simbolin e gjenocidit në Kosovë dallon edhe “zemra e lulëkuqes”: në vend të kokrrave të zeza të farës së lulëkuqes, në logon tonë janë paraqitur figura burrash, grash, djemsh dhe vajzash, për të kujtuar njerëzit e të gjitha moshave dhe gjinive, që ishin viktimat të këtij gjenocidi.

Petalet e lulëkuqes në këtë logo janë të vendosura në formën e shkronjës X, për arsye se gjatë luftës, në disa vendbanime ku popullsia ishte e përzier në aspektin e përkatësisë etnike, okupatorët serbë kishin shënjuar shtëpitë e shqiptarëve me një X, me qëllim që forcat e armatosura serbe të udhëzoheshin drejt vendeve ku duhej të kryheshin krimet.

Me një fjalë, forma e petaleve dhe figurat e burrave, grave, djemve dhe vajzave simbolizojnë mbi dhjetë mijë civilë shqiptarë të vrarë dhe të gjymtuar, të të gjitha moshave dhe gjinive, mbi njëzet mijë viktimat të dhunës seksuale, rreth një milion viktimat të spastrimit etnik dhe qindra mijëra shkatërrimeve që u kryen gjatë zbatimit të gjenocidit në Kosovë.

Si e tillë, mendojmë se kjo logo meriton të jetë simbol i përbashkët i përkujtimit të viktimave të gjenocidit të Serbisë ndaj shqiptarëve të Kosovës.

Meqë jemi në prag të 15 janarit, ditës së përkujtimit të gjenocidit në Kosovë, përcaktimi nga institucionet tona shtetërore i një simbol unik, që mishëron këtë tragjedi kombëtare, është mënyra më e mirë për të përçuar mesazhin e unitetit përballë krimit të gjenocidit - plagës së hapur në qenien tonë kombëtare.

Gjenevë, më 16 nëntor 2022

Qendra “Gjenocidi në Kosovë - Plagë e hapur”

Kryetar

Bardhyl Mahmuti



## Makfire Malsiu

**From:** Besim Q. Ilazi  
**Sent:** Tuesday, December 6, 2022 9:26 AM  
**To:** Makfire Malsiu  
**Subject:** FW: Kërkesë  
**Attachments:** Kërkesë Institucioneve Shtetërore të Kosovës.pdf



REPUBLIKA E KOSOVËS  
REPUBLIKA KOSOVA  
KOMUNA E KAÇANIKUT  
OPŠTINA KAÇANIK



Data	06.12.2022	Vendi	KAÇANIK
Nj. org.		Numri	
	01	104/02-32169	- 1

**From:** Qendra GJENOCIDI NË KOSOVË - PLAGË E HAPUR <info@kosovogenocide.com>  
**Sent:** Saturday, December 3, 2022 11:16 AM  
**To:** Besim Q. Ilazi <besim.q.ilazi@rks-gov.net>  
**Subject:** Kërkesë

I nderuar Zoti Besim Ilazi - Kryetar i Komunës së Kaçanikut

Në aneks e keni një kërkesë tonën për zyrtarizimin e simbolit përkujtimor të gjenocidit në Kosovë, të cilën ia kemi drejtuar Institucioneve të Kosovës.

Tashmë kjo kërkesë e jona ka hasur në mbështetje të plotë nga Kuvendi Komunal i Prishtinës dhe i Ferizajt.

Prishtina: <https://kosovogenocide.com/kuvendi-komunal-i-prishtines-lulekuqja-te-behet-simbol-unik-i-gjenocidit-ne-kosove/>

Ferizaj: <https://kosovogenocide.com/kuvendi-komunal-i-ferizajt/>

Gjithashtu edhe disa Kuvende Komunale kanë paraqitur gatishmërinë për ta mbështetur dhe kanë premtuar se do ta bëjnë në ditët e para të dhjetorit.

Do të ishim mirënjohës nëse do ta shqyrtoni edhe ju këtë kërkesë tonën e t'i jepni mbështetje kësaj iniciative.

Duke ju falënderuar për angazhimin tuaj, ju urojmë gjithë të mirat.

Përzemërsisht

Bardhyl Mahmuti

--  
Gjenocidi në Kosovë - Plagë e hapur  
1200 Genëve

Mail: [info@kosovogenocide.com](mailto:info@kosovogenocide.com)  
Online: [www.kosovogenocide.com](http://www.kosovogenocide.com)





Republika e Kosovës  
Republika Kosova  
Republic of Kosovo



Komuna e Kaçanikut  
Opština Kaçanik  
Municipal Kaçanik

01Nr. 104/02-32169/22

Kaçanik, 06.12.2022

Në mbështetje të nenit 11 dhe 12.2 (d) të Ligjit për Vetëqeverisje Lokale (Gazeta Zyrtare Nr. 28/04 Qershor 2008), të nenit 73 të Statutit të Komunës, të Kërkesës së Qendra “Gjenocidi në Kosovë- Plagë e hapur” 01Nr. 104/02-32169/22 prej datës 06.12.2022, Kryetari i Komunës,

### PROPOZON

Që Kuvendi i Komunës Kaçanik në mbledhjen e mbajtur me \_\_\_\_\_/2022, të merr këtë:

### VENDIM

### PËR MIRATIMIN E SIMBOLIT PËRKUJTIMOR TË GJENOCIDIT NË KOSOVË

1. Me këtë Vendim, MIRATOHET propozimi që “LULËKUQJA ME KATËR PETALE” të bëhet Simbol Unik Përkujtimor i Gjenocidit në Kosovë.
2. Simboli i përcaktuar nga pika 1. e këtij vendimi, paraqet katër format e akteve gjenocide që Republika e Serbisë i zbatoi në Republikën e Kosovës, si vrasjen, dhunën seksuale, spastrimin etnik, dhe shkatërrimin e objekteve që lidhen me përkatësinë etnike dhe identitetin shqiptar.
3. Pjesë përbërëse e këtij Vendimi është, Kërkesa e Qendra “Gjenocidi në Kosovë - Plagë e hapur” me simbolin e propozuar.
4. Ky vendim hynë në fuqi 15 ditë pas regjistrimit në Zyrën e protokollit të MAPL, respektivisht 7 ditë pas publikimit në faqen zyrtare të komunës.

### Arsyetim

Qendra “Gjenocidi në Kosovë - Plagë e hapur” na është drejtuar me kërkesë 01Nr. 104/02-32169/22 prej datës 06.12.2022 për mbështetje të propozimit që “Lulëkuqja me katër petale” të bëhet Simbol Unik Përkujtimor i Gjenocidit në Kosovë. Ky simbol paraqet katër format e akteve gjenocide që Republika e Serbisë i zbatoi në Republikën e Kosovës, si vrasjen, dhunën seksuale, spastrimin etnik, dhe shkatërrimin e objekteve që lidhen me përkatësinë etnike dhe identitetin shqiptar. Kjo logo siç është potencuar edhe në kërkesë, meriton të jetë simbol i përbashkët i përkujtimit të viktimave të gjenocidit të Serbisë ndaj shqiptarëve të Kosovës. Andaj mbi këtë bazë i drejtohem KK për miratimin e këtij propozim vendimi.



Kryetari i Komunës  
Besim Ilazi